

Masfjorden kommune  
Att:  
Austfjordvegen 2724  
5981 MASFJORDNES

## **Masfjorden kommune - uttale til høyring om dispensasjon til oppføring av husbåt og forlenging av flytebrygge gnr14 bnr10**

Vi viser til brev frå Masfjorden kommune datert 17.10.2019 om ovannemnde sak.

### **Om søknaden**

Søknaden gjeld dispensasjon for oppføring av husbåt og forlenging av flytebrygge på gnr/bnr 14/10. Eigedomen er i kommuneplanen sin arealdel satt av til LNF-areal med spreidd næring på land og bruk og vern av sjø og vassdrag med tilhøyrande strandsone i sjø.

### **Rolle, ansvar og medverknad**

Fiskeridirektoratet er styresmaktene sitt rådgjevande organ innanfor fiskeri- og havbruksforvaltninga. I saker som får følgjer for desse næringane er det vårt ansvar å sikre deira interesser samstundes som vi skal sikre omsynet til det marine biologiske mangfaldet. Dei marine leve- og oppvekstområda, som til dømes gytefelt, er særleg viktige å ta vare på, slik at komande generasjonar også kan hauste frå havet.

### **Uttale frå Fiskeridirektoratet region Vest**

I vårt kartverktøy [Yggdrasil](#), som de finn på våre nettsider, er det registrert eit regionalt viktig gytefelt for torsk i sjøområdet det er søkt om dispensasjon. Dette skulle ha vore nemnt i søknaden under konsekvensar av tiltaket; naturverdiar og naturmangfald. Fiskerimyndighetene er bekymra for bestanden av kysttorsk sør for Stad og det er innført ei rekke tiltak for å regulere fisket sør for 62°N. Forvaltninga har til no sett i verk tiltak for bevaring av gytefelt, vedtak om minstemål og forbod mot lysfiske.

Vi ser likevel ikkje på tiltaket som særleg konfliktfylt i høve gytefeltet sidan det er snakk om ein flyttbar installasjon og at det ikkje skal fyllast ut masser i sjø.

Vi kan ikkje sjå at tiltaket vil føre til negative konsekvensar for fiskeri, havbruk og marint biologisk mangfald og har ingen andre merknadar til saka.

Vi ber om kopi av vedtak i saka.

Med helsing

Leni Marie Lisæter  
seksjonssjef

Ina Giil Solheim  
rådgiver

*Brevet er godkjent elektronisk og vert sendt utan handskriven underskrift.*



**Mottakarliste:**

Masfjorden kommune

Austfjordvegen 2724 5981 MASFJORDNES

